

孫徵君日譜錄存

孫徵君先生日誥跋

憶自髫齡得侍夏意軒先生函文道光初年先生贈得  
理學三傳刻本朝夕披閱蓋是書始行世也越二年先  
生假借夏峯集鈔本命余手錄之結時余方馳騁舉子  
業祇浮慕其著作宏富究未能少涉藩籬越十餘年得  
讀湯潛庵先生遺書節鈔之行篋必隨竊心折其學問  
正大功業宏博先生固由潼商監司家居後徒步數百  
里受學於夏峯先生之門者已向任之不能去迨通  
藉後從事比部十餘年來時讀湯子書奉守之兢兢未  
敢失墜作人處事遇艱鉅不敢退避經挫折不至氣餒

心有圭臬故也迨解組歸里得交夏峰先生裔孫士佩

備讀先生全集又輔助士佩募刻晚年圖書近指畿輔

人物考行世士佩時攜先生日譜擬即鈔錄每過予談

談日譜卷帙繁多擬鐫刻行世苦無刻版資欲舉而旋

止者數矣甲戌秋士佩來郡述及購求日譜底稿往返

南陽府數次跋涉數千里幸原本尚存其失去者五本

耳若再遲數年變遷多則損失易其能存者幾何也乃

決意發刻其志甚銳余固憚其數而求其善也固寄

中山王生文泉家慨捐五十金斥即學博唐一峰先生

倡捐千金並吳王遠淵募捐三十金重經邑侯方存之

先生捐十二金中州臨漳邑侯韓子木暨武陟邑侯張  
牧皋兩先生均屬念厥事用意真切必能大有輔助尤  
可敬者武陟王少伯先生躬任校閱精力甚銳儼是書  
之成也先生鬚眉畢現士人家置一編如親先生  
耳提面命誠後學厚幸也夫

昔

光緒改元孟春之月鄉後學武汝清頓首謹跋

徵君夏峯孫先生日舊序

吾人體道之功尚不極之息養瞬存則天命之流行者不能凝承在我而人欲間之易日君子終日乾、夕惕若厲盤銘曰日新又新周頌曰日就月將論語曰無終食之間違仁古之聖賢閑邪存誠兢、致力於日用間者修養一息之或懈也

國朝理學名臣明穆達用莫如湯文正公而文正

嘗師事夏峰孫先生其稱先覺之言曰  
倉述日誦凡日用動作應事接物纖細必  
書雖患難不離人事繁密未嘗稍廢晚  
年造詣益精默契神化超然獨向回視數  
年前必有日進月長可自證自勘而此人所  
能識測者又曰先生動靜湛然忘心道妙  
一當之上太和景象如坐春風又曰其學以慎獨  
居宗以新誠天理為要以日用倫常為要

際博陵尹中丞張洛翁編修先生言與文正  
異月然則先生之學洞見本體致證于經  
習之間庶幾自種不息進次顯濟必于然者  
歟所著有程學宗傳四書近指講易大方  
書經近指聖學錄兩文案錄甲申大難錄  
歲寒居文集答問日誦箴輔人物考中則  
人物考孝友忠家乘四禮和乙酉記事  
文正公年譜諸編全集先已梓行而日誦

竊以出蓋以授門人魏蓮陸所刪定近幾  
湮失先生商榷士佩得而錄之雖付剞劂  
者也張君如心寓書來告每屬爲之言  
茲先居近先生里世遠又裝於學未敢  
稱先生之書何以爲論先生爰舉文正  
之稱先生者敬徵簡端以誌景仰云光緒  
三年十一月既望古廊後學絳榮光謹序



孫夏峰先生日譜錄存序

光緒辛巳秋九月

壽恒

督科試衛源畢徵君孫夏峰先

生裔孫

九世孫士佩十世孫馥堂

手先生日譜錄存謁

請序言譜自順治己丑迄乙未凡七卷未鈐梓者尙若

千卷都若干卷此書經上谷魏蓮陸手定魏故先生高

第嘗審刊先生年譜者也卷首舊序三一即蓮陸次則

范陽耿誠齋睢州湯文正公皆先生門人

壽恒

竅啓于

學何敢於魏湯二公後贅言然蒙若有不遠舍然者則

耿君之序之言也耿君曰學於天者近學於書者遠又

曰道學經秦灰而復明尤其意若深恨呂政不再作洛

聞未與驥山之阱者然嗚乎何其激於辭詭於理禍先生之書而授斯世以詭聞也夫所謂道學云者無世無之也元人修宋史取以名列傳蔽也道何寄寄於學學何依依於道學不能絕乎世世不能絕乎道也何也學不同而道同也不同意可得言矣爲訓詁爲詞章言道者晦焉然漢之董唐之韓與李有學焉未見其非道也至程朱則大以精矣至陸王則簡以疾矣二者非彊食靡角也由大以精入者及其至亦必簡以疾焉由簡以疾入者及其至亦必大以精焉何也學不同而至同也揚越之民赴京師越人舟洋海取捷速數晝夜而至揚

人車待充之閒頗埃難孤數十晝夜而始至由不同而  
至同也已越人在京師則大怒操揚人曰女敢謂至京  
師女適數十晝夜至京師女敢謂至京師聞者必往而  
妾之矣庸止是惡知夫當其乘風跋浪偶失勢操舟喪  
舵不瞋漂于外夷及無何有之域邪故夫人之於道視  
其學之至與未耳苟至焉陸王道程朱道董韓李亦道  
也未至則經生文儒人知其鄙矣爲程朱者必樂爲陸  
王者必悍又禪夫至於悍又禪學于天者果近乎則雖  
樂也毋亦竄爲其學於書者遠乎先生之學少雖假道  
姚江晚更和同朱子之說所著理學宗傳論次朱元明

儒甲第不謬齋泰然則先生之學之于道在是矣耿君  
親業先生顧分茅設範誠其言至此文正有言曰慈湖  
傳子靜失子靜龍溪傳陽明失陽明壽恒懶夫耿君之  
言繼楊王之覆而北馳乎道也故詳辨焉以爲先生日  
譜錄有序時在光緒八年正月嘉定廖壽恒謹撰

日譜序

江少箕鄉先生游聞中州文憲盡在夏  
畧心竊慕之而以未得讀其書爲憾丙  
子通籍後宦游豫訪先生書友人告江  
曰先生容城人晚年徙居輝邑講學於  
蘇門山麓今其苗裔居輝者多而其著  
作盡在輝焉欲求其書盍往輝無如一

行作吏執掌風塵心欲往而身未能至  
耳庚辰冬十二月來綰輝篆下車伊始  
遂訪之購得先生所著書十有餘種案  
牘餘閒覽其詞玩其旨竊覺見理之精  
且深說理之明且透直可洩天地之苞  
符闡聖賢之蘊奧向所聞中州文憲盡  
在夏峯益信斯言爲不謬矣明年春先

生九世孫

士佩馥堂

晉謁出示日譜二卷屬

江爲序曰此先徵君己丑出門後日有見聞筆之於書所以補年譜之未備也江受讀數過見其言皆日用云爲之故友朋贈答之詩間或採節義之事與志行之人無一不關人心世道脫非躬行心得者烏能與於斯嗟乎予生也晚未

獲躬列門牆親炙先生之教而又地分  
南北未及早睹先生遺書以爲磨礪我  
躬之助徒於二百年後二千里外遙聞  
先生之名空慕先生之風良足慨已茲  
者來官斯土得以游其故里接其後裔  
讀其全書以想見其爲人是亦此生之  
幸也夫竊惟資性庸愚學問淺薄未能



號先生之道何敢序先生之書况湯耿  
諸名公序之於前發是編之蘊者詳且  
盡矣又何待江贊一詞哉然而景仰之  
忱有不能已於言者爰不辭孤陋謹著  
數行於簡端以應士佩之請云爾

嵒

光緒七年歲次辛巳暮春上巳之辰

賜進士出身同知銜知輝縣事婺源後  
學潘江文濤氏謹撰於古共城公署

孫徵君日譜錄存敘

光緒辛巳年春九世孫 士傑 十世孫 禮堂 刊其祖徵君

日譜錄存成自順治己丑至康熙乙卯如千年為如千

卷初湯文正公亟稱徵君日譜無近世所刊徵君全集

無之乾隆中尹會一續洛學編同治中李元度為先正

事略於徵君書紀述甚備不言有日譜事略記徵君第

子魏一驚事稱魏君為徵君訂正年譜今攷文正送魏

君敘知所訂者日譜非年譜也康熙庚戌冬文正與魏

君會於蘇門徵君以日譜授魏君使刪定魏君北歸則

移書文正使校正其本末如此然王廷縉楊椿先後輯

文正年譜皆不言校日譜事蓋是書雖存知者鮮矣同  
治癸酉年 士佩始得之於王君子涵題曰錄存蓋王少  
白刪定本既以歸鏤板於輝光緒乙酉年刻成於是徵  
君書乃大備若乃修學道古大指與夫應事接物一言  
一動繼介之誼死生存亡屈伸進退之節若升階排闥  
接席而親受詔於徵君也蓋學之難也自大儒所親述  
傳之其人其爲文易知而其道甚美也不及百年或載  
焉無聞知至若文士私學小智鈎析六藝異端曲說依  
附大道爲之者難學之者勤君子痛焉而傳之久而彌  
遠天好奇博厭平易乃自古歎之矣 士佩 吳國按是

諳於晦佚之後而表章之使後君之道益顯豈可謂不  
賢乎抑詩有之無念祖事修厥德士儔誠念之乎  
黻堂

光緒十一年二月武清徐紹康

孫徵君先生日譜序

先君子潛心理學嘗輯傳心要語以夏峯徵君集明儒之大成每欲刊刻全書以公同好咸豐庚午清等隨侍保陽得日譜原稿于徵君八世孫先君子視若拱璧邇時即欲發刻旋以腿疾遠里不果辛酉王戎院匪迭擾內鄉家中數十萬卷書盡燬其焚而此書既然獨存固由先君子保持之力抑亦徵君所護之有靈也今歲秋舍弟之江山小兒豐顧赴省鄉試得晤徵君九世孫士傑

始知鄭松峯公祖王少白先生高刻是編尋此原稿因馳書千里告知於清維先儒之顯晦有定數即先儒

著述之顯晦亦有定時雖是編之刻先君子未克手成  
其事而後有同志亦可償先君子未竟之志矣特急函  
致舍弟令將日譜臚齊奉還至於微君學修海內君子  
胥能言焉無侍 謫之再贅也已

鄉後學菊潭益棧王之清頓首謹識

孫徵君先生日譜序

歲辛未 予日鏘淇園書室其城過其門先生以萊山  
名堂取良山之義幸友爲立家人之訓於其門曰道  
在是矣由未得親列門牆日傾訓勉不免有人往風微  
之慨今幸矣先生裔孫 士佩 馥堂攜日譜至展卷捧讀不

啻日相晤對其言有日須從日用常行內直道先天未  
畫前旨哉斯言殆能窺破良知之旨乎良知蓋發自陽  
明者也先生學雖本與王究不駁朱其所王者道而已  
會合兩家之說以求一是之歸天下講學無異同之見  
者自此譜始且夫譜固傳先生之學者也其道四方則



曰遊譜其誌一生則有年譜亦是覘其生平大凡而其功之最密者莫如日譜一書凡師友之問答弟子之追隨與夫儒先之授受聖學之淵源莫不宗於是譜中由是因王追陸由陸會朱斯道合一之旨不至廢墜者是先生之譜之意也是譜也始於順治己丑年葭月成於歲暮殆有隨時隨處體認天理之意焉是年先生九十有二前多俠氣至此則歸於聖賢矣特序以表其學力之所在云是爲序

光緒二年桂月鄉後學崧嶠侯伯良敬識

孫徵君先生自譜序

昔文中子生隋唐之際佛老盛行毅然以孔子爲宗匹夫肩絕學之統其有功於斯世甚大朱子集群儒之大成其徒傳之金華諸子遞相授受至明初制作一代典章率本朱子之教以是知大儒抱道空山修明六經非一世之業也容城徵君孫先生登萬曆庚子鄉薦與鹿忠節爲友以躬行相砥礪居親喪結廬墓側於憂戚孺慕中悟心性原本慨然以聖人爲可學而至天啓乙丙間大興鈎黨之獄左魏周三君子橫被榜掠故交避匿先生獨上書樞輔鳴鼓舉譴爲之鴈衆飲助生死禍福

不足動其中其剛大之氣復如此時會搶攘保全危城  
避亂山中隱然負王佐之望徵書屢責堅辭不應晚年  
摘家蘇門聲華刊落生徒數百結廬相就其地自姚許  
之後稱再盛云先生於道慎擇而約守之發爲文章皆  
躬行心得之餘未嘗有新奇可喜由其說而持循之人  
人可以寡過所著四書近指讀易大旨尙書近指精義  
明前儒所未發嘗以古今諸儒見有偏全力有淺深要  
以不謬聖人爲歸慈湖以傳子靜者失子靜龍谿以傳  
陽明者失陽明儒而雜禪不可不辨苟無致知力行之  
實徒憑揣摩億度以軒輊前賢先生之所不與兕九十

古人與君講家國治生空齋竟日無情容事物之來  
泛應曲當濁酒孤燈與友譚學至丙夜不倦自非功深  
於入之所不見者烏能自強不息如此乎當草昧初開  
十戈未戢人心幾如重麻賴先生履道坦坦貞不絕俗  
使人知正心誠意之學所以立天經定民彝不因通會  
爲遷移擬三百年儒者之緒而爲興朝理學之大宗  
其於文中紫陽何如非愚之所能知其有關於世道則  
一而已矣

睢陽門人湯斌敬題

孫徵君先生日譜序

道之大原出於天天不變故道亦不變上古無書可讀  
故人直見道原毫無障礙豈非學於天者近而學於書  
者遠哉中古人漸多書亦漸多生其後者之拘縛轉甚  
豈非中古之書增中古之蔽哉是故士生中古之後其  
明上古之學無取乎敷衍前人而貴乎擴前人之識俾  
聖真復明其功大是故理學自秦火之後暗而還明見  
知聞知至程朱而聖人之真境漸出然則程朱豈非度  
世之津梁上古之大有功人也哉然聖真如天天有二  
氣四時以至七十二候在程朱不過發聖人之一端盡

聖人之一境非謂聖人之境逐盡於此也而後世之

功令遵朱亦曰有程朱可遵則遵程朱姑如違道不遠云耳豈曰程朱之外竟不許人擴充之哉無如訓詁家不善奉承

功令俾後人經傳立疑之際敢於疑經而不敢疑傳甚至不敢背傳而敢於背經夫傳以傳經也使人不敢背傳猶可言也至於敢於背經豈所忍言程朱有知豈不樂有諍臣以匡身後哉

師生中古之後而闡程朱之精微兼表章效誦論於程朱者而後人知程朱之外復有天焉是故注各爲用而二

氏之縛以解建安亦無朱元晦青田亦無陸子靜姚江  
亦無王伯安而訓詁之縛以解諸縛解而後聖人真境  
煥然復明於世聖真出而道之大原睹矣道之大原睹  
而後程朱之苦心見苦心見而後其爲功於聖門者益  
著豈曰效譚論於程朱遂廢程朱哉

先師之曾孫以宣因錄日譜成而問大旨予爲言其大略  
如此識此意者可以讀日譜且可以盡讀中古之書而  
無所蔽矣以宣曰吁是可以爲日譜序

康熙壬申夏至後一日范陽門人耿極敬識



孫徵君先生日譜序

從遊先生四十餘年矣每愧風塵馳逐湮沒半生

與我者已不可復問自丁酉解組後兩過夏

我夫子起居語嘿者逾月甲辰夫子歸里復得追隨杖

履日間所未聞始知吾人性分中原有不豐厚而富不

爵祿而貴不表暴侈張而可大可久證之往古質之來

茲此心無不同此理自無不同然此心不 則此

理不能自認心之或明或昧若存若亡 忽不學

之過也夫子每於此嚴爲指示余恍 有所動易

日復其見天理之心復者陽之初 天地之心見



焉矧人心哉是冬取夫子日譜讀之細心捧閱將及門  
之問作已心之疑將夫子之答解

言言刺髓

段段發覆如目之去塵沙以還明耳之去木楔以還聰  
四肢之解羈縛以還舒泰也程子曰吾學雖有所受天  
理二字却是自己體貼出來

天理胎所謂

吾心乎或問余日子之師

天今子

本心之說將無異乎余

余嘗問吾

師之言心矣惟精惟一

之謂也從心所欲不

踰矩之謂也心與天奚

卷中擇切

中學人之病者三百餘

且以嘉惠同人也

豈但有功於後學實

聖人之道也行將與理學

宗傳並重矣余

敘問學之次第以告吾黨願以余

之荏苒爲戒

明夫子之道焉庶不負師門誨誨提

誨之

余之所厚望也夫

康熙三年甲辰臘日上谷門人魏一鰲頓首通

魏蓮陸先生序文雖有殘缺文義尙可通即目諸內

語亦間有缺字

鄙

見不必貼去留空以待補完若因

有缺字即將此數日刪去既有間斷即與日譜之名

相戾且每日下所缺之字有限有意義可考正不必  
貼去祈酌之

光緒乙亥夏四月十九日陸文光特識

孫徵君日譜錄存序

天下名山大川多矣未至其地則固不知其美也然而  
遊天下名山大川者亦多矣乃或有周覽數出詢以山  
之高川之盛則又茫然與未至其地者無異則是遊天  
下名山大川者非其中有所謂好焉即至其地猶然不  
知其美也未至其地而不知則無可謂焉既至其地  
而其心之所好不在焉其資此山川以資其養生也晚  
而又居於晉之鄙自就外傳後先君子即爲吾師而教  
之然而所習者舉子業耳日揣摩時好以求一售其於  
聖賢之道理學之旨不啻與越人講秦譚與燕人談江

漢也暨壬辰釋褐筮仕於皖之潛陽因吏事而反求焉  
始悟前日伏首貼墀父師之所以教我者皆爲今日寶  
用之事而非徒博一第爲也則又求所爲聖賢之道理  
學之旨於詩書文字中凡遇古人行一善事未嘗不感  
慨留連恨不遇古人之時居古人之位而惜吾有志而  
未逮也歲次癸卯來貳上谷守訪上谷之賢於潛之恊  
鎮金君抱一因知有徵君先生至側造其廬而請益焉  
一卽之頃見其應門侍側如元方季方之在大印前老  
老幼幼少少長長雍然太和氣象則同在一室中矣先  
生言首忠孝動卽楷模敵床踈席總成衆境非真有得

於聖賢之道理學之旨者詎能如此乎及歸於道陸  
師之案頭見日誦一書再四翻閱然後知人苟有志於  
聖賢則無一人不可爲無一事不可盡無一時不可學  
反而求之於身心之間日用之際念之所啓意之所適  
去小人之中庸而存君子之戒懼無非聖賢立脚之所  
而凡古人之詩書文字則皆教我以從事之方而非謂  
汝但講求乎此而口能爲言筆能爲書便謂聖賢在是  
也今者先生之書具在則天下之名山大川也忠始願  
知好之矣當梓以公同志凡有能至其地而心焉好之  
者其某山如何佳某水如何盛則固在其人自得之耳

忠方由此而求進焉則固不能代爲之筌蹄矣

乙巳季夏晉陽門人常大忠拜題

孫徵君日譜序

心愚魯也工八股業斲斲窮年終未得當其於理學益  
慚乎其未有聞也新中同志友郭熙侯每爲心言夏峰  
有 孫徵君先生學宗孔孟接濂洛關閩之傳吾從遊  
親聆其訓誠一代偉人不可當吾世而失之心聞言始  
知理學淵源統系在夏峰夫子誠不爽也歲壬寅介熙  
侯延見得親炙光儀因識其著述諸書書家規答問讀  
易大旨近指宗傳節孝錄年譜日譜各爲不一而足其泰  
酌古今衡論人物闡明斯道之宗發揮心學之秘不外  
日用飲食而天人理道聖賢與旨畢昭焉臨曰若等從



吾遊不知工夫要領所學何事隨時隨處體認天理此  
八箇字吾生平精神盡在此若等舍天理似無志趨舍  
體認便無工夫卽其教言諸書大意悉可嘿會矣至他  
書編次刊刻各有定本獨日譜一書因時紀事帖括浩  
繁觀者難於披讀君夔世兄毅然以訂正倡明爲已任  
於庚午歲元日立志手錄自是筆不停披兩年告竣其  
他書已載者無登字義差訛者悉訂焉芟繁取簡挈領  
提綱俾檢本者按序可索探源者溯流可學前此未及  
裁定者君夔仰體而裁定之將斯道自茲可行心學自  
茲可共証矣豈特叙編次工模楷已哉嗚呼哲人云在

苦心如見淵源一脈家學傳燈足見一班矣是爲叙

壬申孟春汲水門人任宅心書

紀事

先徵君日譜共三十六卷自順治六年十一月告墓移家起至康熙十四年止一言一動一筆一墨皆先徵君所手著也門人子孫各有鈔本藏於家道光壬寅取出觀之蠹蝕蟲穿不能展卷傳蔭軒表兄見之恐其遂就湮廢即命裱工通爲裱出訂爲三十本時林縣徐龍溪先生假去寫成七分未克終卷丁未南陽府內鄉縣王子涵觀察欲獨力付梓將原稿取去旋因宿疾纏延未能刊刻致自此不見原稿者二十餘年因借龍溪先生鈔本寫出數卷至於原稿之存亡幾有不可知者

矣同治癸酉致以事至汴適子涵先生少君之江及令

孫在焉致訪而詢之咸曰徵君夫子日譜存吾家者

有年今既相遇即當歸於君家矣致不勝欣喜遂自南

陽取回惟期敬謹收藏尙未敢遽言付梓也甲戌致以

事至廣平詹一峯先生謂致曰日譜既獲原稿即當刊

刻不可延緩遂以朝服與十金作爲捐資曰此事我先

開端武酌堂先生於是寫一公啟編告同人而捐資乃

稍稍集矣致遂以校對之事屬之武陟王少白先生先

生慨在不辭即於是年冬日開雕陸續刊成數卷旋以

捐資告罄兼值光緒三四年豫省大荒遂以停工越光

緒庚辰江右陳右銘大人觀察河北邑侯潘公即以日  
請公啟稟呈道憲首先倡捐而捐資因之駢集於是又  
復開工越今歲而告竣此日譜一書之始終本末也惟  
是此書歷年已深剝蝕十分之四順治九年十年十一  
年及康熙九年十年片紙無存康熙十四年十五年並  
缺數月即現存之冊亦每有字跡斷滅不成文理不得  
不刪去者謹就其大體完全殘闕未甚者命小兒金桂  
照原稿錄出付之梓人敬謹登板顏之曰錄存僅嗣後  
陸續尋訪再有所獲則另爲刊刻名以補遺焉可矣  
光緒十一年小陽月上浣九世孫世玟謹識

八世孫家慶

九世孫世芳

世恩

全刊

世恩

十世孫金相

金鰲

孫徵君日譜錄存總目

第一卷

自順治己丑十二月至十二月

第二卷

自順治庚寅正月至六月

第三卷

自順治庚寅七月至十二月

第四卷

自順治辛卯正月至六月

第五卷

自順治辛卯七月至十二月

壬辰癸巳甲午增補後進  
諸條甲午所著另冊梓行

第六卷

自順治乙未正月至六月

第七卷

自順治乙未七月至十二月

第八卷

自順治丙申正月至六月

第九卷

自順治丙申七月至十二月

第十卷



自順治丁酉正月至四月

第十一卷

自順治己亥正月至八月

第十二卷

自順治己亥九月至十二月

第十三卷

自順治庚子正月至六月

第十四卷

自順治庚子七月至十二月

第十五卷

自順治辛丑正月至四月

第十六卷

自順治辛丑五月至六月

第十七卷

自康熙壬寅正月至六月

第十八卷

自康熙壬寅七月至十二月

第十九卷

自康熙癸卯正月至六月

第二十卷

自康熙癸卯七月至十二月

第二十一卷

自康熙甲辰正月至六月

第二十二卷

自康熙甲辰七月至十二月

第二十三卷

自康熙乙巳正月至四月

第二十四卷

自康熙乙巳五月至十二月

第二十五卷

自康熙丙午正月至六月

第二十六卷

自康熙丙午七月至十二月

第二十七卷

自康熙丁未正月至六月

第二十八卷

自康熙丁未七月至十二月

第二十九卷

自康熙戊申正月至八月

第三十卷

自康熙戊申九月至十二月

第三十一卷

自康熙己酉正月至七月

第三十二卷

自康熙壬子八月至十二月

第三十三卷

自康熙癸丑正月至四月

第三十四卷

自康熙癸丑五月至十二月

第三十五卷

自康熙甲寅正月至十二月

第三十六卷

自康熙乙卯正月至四月 三月以後係考終錄

右豫徵君日譜錄存三十六卷皆先生由燕遷豫以後所手著者也先生之學以躬行爲法程以時習爲工夫以復性爲宗旨當時親炙之以成其德者指不勝屈而以湯文正魏蓮陞趙寬夫三人爲最著至開其風而興起者大河南北代有其人而其最著者則西州馬平泉新鄭王淡泉河內李文清也 先君生平服膺先生之學略自幼時即授以四書近指一冊便

之研究體驗後雖得聞先生之書而資質庸下反躬  
自驗迄無實得每思抱愧先生著述十餘種久已不  
脛而走風行海內而此書則藏之東塾罕有見者同  
治甲戌先生九世孫士佩君以事主居平武酌室詹  
一峰兩先生特爲倡捐屬之發刻君既歸卽命其新  
剛樓堂照原稿通行寫出而以校對之事相屬翰  
憶庭訓爲之悚然不敢推辭惟此書歷年既深歲  
閱已甚舊校大非容易迫同數月有幾度不能接續  
者有事實未能證明無從考據者有原稿既有闕字  
後人漫爲填補未知其是與否者有前冊已見後冊

複出難辨其爲何時之言者因但就其錄出之稿與  
原稿詳細對閱改其錯訛俾之授梓雖簡斷編殘其  
稱完璧然先生當年進德之隆門牆之盛與當時海  
內賢豪往來酬贈之情事亦可以識其大略矣

光緒十一年小陽月上浣後學王 翰謹跋



先徵君遺像



白贊

問爾爲誰曰歲寒氏歲既云寒爾何爲耳曰勿讀書  
妄意青紫長知立身頗愛廉耻雖困公車屢蒙薦起  
骨脆胆薄不慕榮仕衣厭文繡食甘糠粃隱不在山  
亦不在水隱於舉人七十年矣選勝多與有士老  
而學易欲擇厥旨聊以卒歲如斯而已

己酉八十六翁書于兼山堂

明倫彙編

詹桂一峰  
通州人

吳致祥  
固始人

劉毓楠  
南鄉人

王輅少白  
武陟人

王義生  
成安人

張鴻志  
磁州人

王灝文泉  
定州人

王振祿  
易州人

張鴻誥  
磁州人

王瀛洲慶潮  
成安人

王縉  
溫縣人

張鴻九  
磁州人

祝塏與亭  
安康人

張士林  
磁州人

邱增級  
臨漳人

方宗誠存芝  
桐城人

駱慶鏞  
磁州人

萬裕興

駱文光子木  
會稽人

王惟馨  
香谷人

楊誠一簡齋  
吉林人

王惟馨  
香谷人

張培元南宮  
景州人

王燕堂  
翼庵人

陳賓  
右銘  
義州人  
李德均  
平甫  
保定人

潘江  
文潯  
婺源人  
徐本華  
桐邨  
德清人

稽錫恩  
鑑池  
清人  
席元鑾  
錦泉  
上元人

衛榮光  
靜湖  
新鄉人  
方胙勳  
慶甫  
江甯人

劉啟彬  
林縣人  
雷冲霄  
劍華  
大荔人

王樹葵  
鹿邑人  
戴文海  
鐵珊  
定遠人

張紹渠  
羅山人  
蓮益章  
六爻  
河內人

施春膏  
密縣人  
陳緒傳  
河內人  
慕玉相  
其章  
武平人

鹿伯元  
鹿邑人

校參姓氏

詹桂

一峰  
通州人

張金芝

蕪湖  
通州人

范乃唐

武鄉  
修武人

武汝清

節堂  
永年人

張金式

武鄉  
通州人

李士傑

天津  
天津人

王輅

少白  
武陟人

武河清

禹襄  
永年人

荆獻珍

廷瑞  
武陟人

李良先

教厚  
武陟人

戴彬元

常河  
永年人

石方敬

丹銘  
武陟人

陳寶嚴

右銘  
義州人

申清輝

修武  
武人

王登選

河南  
武人

潘江

文壽  
婺源人

田芸生

新鄉  
武人

申翰周

河南  
武人

王士型

婺源  
婺源人

邱

大名  
武人

牛漢奎

武人

徐紹康

少洲  
武人

衛獻琮

豐南  
武人

史春泰

武人

張恕端

如心  
武人

張積芝

武人

王士傑

武人

鹿傳霖

定興人

雷冲霄

山西人

郭春瀛

天津人

唐咸仰

光南人

楊彥修

陝西人

杜世清

湖南人

陳彝

六舟人

董慶恩

子勤人

郭春熙

河南人

姚近韓

良巷人

李國治

筱莖人

賈致恩

莊田人

鞠捷昌

子聯人

楊修田

竹農人

朱克揚

湘孫人

袁鎮南

保臣人

許文治

直隸人

孫徵君日譜錄存卷之一

順治六年己丑六十六歲

後學

永年武汝清

校訂

十一月

武陟王

輅

十一日

九世孫世琰金桂監刊

謝彝甫名皇錫安肅人執贄稱弟子

姪婿張丹九攜樽話別

晚抵郡城門已閉宿姻友賈方伯莊有句 到門一

鎖隔重山骨肉相違咫尺聞入夜投林猶倦鳥不

禁肢體久蹣跚

十二日

入郡城視孀女母子

予長女爲賈方伯子婦撫孤居孀

高薦馨鹿密觀先候於此各治具賈聚五王類錫兄  
弟王君祥兄弟各攜尊就予

十三日

保定蚤發 垂老出門值歲寒蕭蕭書劍伴征鞍離  
家百里烟雲隔凍餒方知行路難

密觀同外孫賈焯然隨行晚宿傳家營

十四日

抵祁州 先是刁非有孝廉以聲氣好且與啓美弟  
有年誼寓書訂過晤假館授餐意倍殷切



是夕晤李含樸李符慶兩孝廉

十五日

李太公明吾攜其子古心孫瑟王過晤許心錦同年  
許璽明子張光仲良鄉宰廉署祁諭亦以年誼各  
來惠顧

十六日

祁陽諸紳士過訪

十八日

奏兒韻兒率族黨先行謂之曰凡同行皆是一家一  
體之人出門要同心合力各捐私心各務本分二

人同心其利斷金三人同心黃土成金汝等數十人果能同心到處皆樂土矣豈慮流離豈憂凍餒哉

贈刁非有爲予穀柄 誰知此地別開天眼底無氛氣爽然開道雖懸之子後行年已占衆人先寡修益覺精光薄孤學應知識力偏原擬渡河聊解帶祇因知我倍流連

十九日

同李符夢謁張子子厚嗣張子官于祁故祁人尸祝之徐子曰仁亦祁守未有特祠因與符夢言祁人

風教之醴二公遺韻尙在承前啟後我輩不可不勉

二十日

題報德祠

有引

刁殷望與予弟啟美爲天啟元年同

選士教授生徒不樂仕進沒而邑紳士暨及門爲

祠祀之額曰報德

祁陽立節郡公生此地光自

淑與淑人兩念結中腸烹廟首羅士攜手吾季方

季方頻告予公也古賢良焉知念餘載始登之子

堂公雖不可見遺像尤輝煌再拜若有辭肅然心

氣涼嗣君稱人傑怡怡敬父行位我於祠下夙夜

有所商契公在夢寐嗣君日贊襄懷於公父子咸  
生復念亡邦家修祀典以德重馨香 又聯 不  
怨不尤邇世抗侯王之節先知先覺淑人接賢聖  
之傳

二十一日

贈張光仲 停車南邁路何意得逢君靜比山頭月  
幽同水面雲人能宏此道天未喪斯文握手聯前  
好依依未忍分

二十二日

張振柱過贈其伯父樂庵公與先大父爲辛酉同年

友因脩前好

二十三日

靜坐 日日須尋靜坐時靜中光景更堪疑新詩初  
就嫌無味舊稿重刪愈有疵幽趣好從鷗鳥見孤  
懷豈向世人知聞然獨抱元來意一念澄瑩神自  
怡

二十六日

李太公明吾招飲爲作逸老篇 燕南有逸老巖寒  
挺孤芳亭亭松柏心健氣欲凌霜我過祁陽路刁  
子設胡牀公攜子若孫觸目皆琳琅一再相晤語

肅然羅酒漿相信若有素密意迴尋常年登八十  
四五世萃一堂入夜體忘倦展書目猶良壽也攸  
好德福今未可量商山遠結伴浴下堪頤頤安得  
善養老惟公雅相當

二十七日

世契篇爲刁非有許心鉢張振柱作 祁陽三世契  
俱爲名家子非有真孝廉行誼推闡聖而翁稱端  
人教授顯妙理心鉢克宜家鉢傳得父旨兩世我  
目擊元氣徹表裏刁子通德予許郎佐薪不害舍  
免蕪岑復得振柱氏折柬來相招因之仰前修

有萊菴公世擅雕龍技譜爲大父行百年交伊始  
我於此三人義各有所企對許見若翁晤刁思阿  
美我祖久云亡於張儼在咫賦茲世契篇示我君  
子履

二十八日

題非有書齋曰潛室 聯 學先不睹不聞地功在  
勿忘勿助間

二十九日

飲李符夢別墅符夢爲予言平生艱辛之狀母氏  
聞之苦因以動忍二字額其軒 聯 天於霜雪

含春意人自艱危見道心

十二月

初一日

爲李符夢母于節婦立傳

入嚴寒續集

初三日

張光仲招飲爲言其曾祖尙賢有隱德其孫予

孫女暨曾孫女俱以節死

入取節錄續集

初十日

王五脩攜家過祁

十一日



八姪自隆平來言奏兒等過鹿夢周寓邸兼攜其手  
書爲賦此 聞道隆平一日留故人漂泊兩經秋  
他鄉親舊情相洽一紙書來慰旅愁

十二日

高薦馨自保定馬構斯鹿曠觀自定興李介蕃自容  
城仇文軒自新安來視予

十三日

薦馨問日用間只覺不能行所無事如何曰此莫看  
得太輕易了禹之行水疏濬決排不知費多少心  
力始能注之海注之江如不能得其要領肯窺便

泛濫橫溢安得有安流之時其不能得要領肯綮者病痛全在一鑿字世本無事庸人擾之賢知有賢知之鑿愚不肖有愚不肖之鑿堅完世界破裂多端總不能行所無事有一大聖人出焉歸清宙於天地歸安阜於民物亦只是行其所無事也然非朗然高懸一天地萬物之鑑事務之紛投時事之艱難未免有遲回顧慮沾滯不自得之處行所無事一語是聖賢豪傑一了百當大本領我輩不能行所無事先自必有事焉始久之自當省事而漸進於無事矣不然悠悠日用行習罔覺而復云

行所無事也豈不謬哉

送高薦馨南遊 有引 薦馨每及南遊潛然淚下余因

與訂茗上之約今行矣異日余之茗上則薦馨所  
過名山水便成熟路二三子各賦詩言別占此句  
送之 淒淒惜別意何深想見相從六載心爾我  
渡江情一致經過好景待重尋

十四日

同人集飲報德祠爲余誕辰也

十六日

復上虞謝元明 鴻寶先生以忠魂領袖一代當歸

觀時卽知有臺仁之經紀其事也私心已切嚮往  
後讀和玉孺大司馬詩向之企慕其人者若恍然  
見其面薦馨來惠表忠二刻字字爲諸君寫生遂  
恍然見其心矣當世之孤鳳潛龍足下其庶幾乎  
不肖衰遲病困久矣浮家於山岑水湄世緣已絕  
攜家南徙次且於真定道中漸圖渡江但鉅短途  
長不知何時可抵茗上與臺仁一傾倒耳甲申大  
難錄一冊亦邇年所得之同人者借手請教孫少  
聞三十五忠詩附上

爲仲兄啓運先生纂年譜成

二十一日

讀放翁詩 放翁無日不豪吟山水幽懷託寄深

曰甘貧能耐老勿忘家祭是初心

公有句云王師北定中原日

祭無忘告乃翁

二十二日

爲仇異渥作存理序

入成集續集

二十三日

寄新安十老社 我輩皆桑榆之人一回相見一回

覺老所須魯陽戈當更急於壯歲月會想不可間

斷兒童侍杖白叟高歌便是人世第一樂若對青  
山談世事當須舉白滿浮君病叟以此二語佐酒  
政何如

二十五日

王任驅過祁因詢問家園消息

二十七日

夜不寐有作 跏坐披衣數漏傳淒涼心事不成眠  
赤貧食衆仍凶戾弱骨家適且暮年稚子三千婚  
事迫老妻甘載病魔纏鷄鳴一縷分跼蹐愧我遙  
過兩念懸

二十九日

報德廟守戍同刁非有李符夢王五修諸友置驛  
等得多字天宇漫思二絕 老來光景已無多  
雪凝霜經幾過客館優游悲世事那陽此夕是陽  
和 離家二百另開天種月耕雲亦闌然况復驚  
鴻鶴有和須與酣飲即明年

目譜錄存卷之一終